

## **ҲАМ УЧРАШУВ, ҲАМ БЕЛЛАШУВ**

**Ўзбекистон “Ветеран” жангчи-фаҳрийлар ва ногиронлар бирлашмаси Қувасой шаҳар бўлинмаси “Хотира зали”да Ватан ҳимоячилари куни ва Ўзбекистон Республикаси  
Қуролли кучлари ташкил топганлигининг 28 йиллигига бағишилаб, ҳарбий ватанпарварлик ойлиги доирасида “Уч авлод учрашуви” бўлиб ўтди.**

Унда шаҳар ҳокимлиги, шаҳардаги умумтаълим мактаблари ўқувчилари, меҳнат фахрийлари, 1979-1989 йиллар давомида Афғонистондаги ҳарбий ҳаракатларда иштирок этган жангчи-фаҳрийлар, Ўзбекистон Республикаси Давлат Хавфсизлик Хизмати Чегара қўшинларига қарашли “Н”-ҳарбий қисм ҳарбийлари иштирок этишиди.

Тадбир аввалида бу ерда ҳозир бўлган шаҳар ҳокимлиги, Ўзбекистон “Ветеран” жангчи-фаҳрийлар ва ногиронлар бирлашмаси Қувасой шаҳар бўлинмаси, “Нуроний” жамғармаси шаҳар бўлими, шаҳар халқ таълими бўлимидан иштирок этган вакиллар юртимизда ҳукм суроётган тинчлик-осойишталик, унинг қадр-қиммати, ота-боболаримиз бошдан кечирган оғир йиллар ҳақида сўзлаш баробарида, ҳар бир ёшни фақат аъло баҳоларга ўқиш, турли ёт ғояларга алданмасликка, спорт билан мунтазам шуғулланишга чақиришди.

Қизиқарли савол-жавоблар ва хотираларга бой бўлган “Уч авлод учрашуви”нинг давоми тарзида шу ернинг ўзида спорtnинг шахмат-шашка турлари бўйича шаҳар очик турнири ўтказилди. Унда ушбу спорт турларига қизиқсан катта ёшдаги фуқаролар, шунингдек, шаҳардаги барча умумтаълим мактабларининг ҳаваскор спортчилари иштирок этишиди.

- Шахмат одамда ўткир зеҳнлилик, топқирлиқ, сабр-тоқат ҳамда рақибини ҳурмат қилиш фазилатларини шакллантиради,-дейди Ўзбекистон “Ветеран” жангчи-фаҳрийлар ва ногиронлар бирлашмаси Қувасой шаҳар бўлинмаси раиси Мўминжон Аталиков. - Мухтарам Президентимиз 2019 йил 27 декабрь куни Тошкент шаҳридаги Муҳаммад ал-Хоразмий номидаги мактабда ёшлар билан учрашуви чоғида ёшлар сиёсати бўйича яна бир қатор ташабbusларни илгари сурған эдилар. Улар ичида ёшларни чуқур билимли қилиш, маънавиятини юксалтириш, уларнинг бўш вақтини мазмунли ўтказиш ва спортга ошно қилиш масаласи алоҳида таъқидланган эди. Шаҳар ҳокимлиги ва соҳага дахлдор бошқа ташкилотлар билан ҳамкорликда ташкилланган мазкур турнир Юртбошимиз томонидан олға сурилган галдаги вазифаларнинг амалдаги ижросини таъминлашга қаратилди...

Турнир сўнггида ғолибларга Ўзбекистон “Ветеран” жангчи-фаҳрийлар ва ногиронлар бирлашмаси Қувасой шаҳар бўлинмасининг Фахрий ёрлиқлари топширилди.

**Қувасой шаҳар ҳокимлиги Ахборот хизмати.**

2020-01-13 16:36:40